

Luganda - Agape Byawandiilubwa - God's Love Letter Scriptures

Yokaana 15:9 Nga Kitange bwe yanjagala, nange mbaagadde mAmwe: mubeerenga mu kwagala kwange.

Isaaya 43:1 Naye kaakano bw'atyo bw'ayogera Mukama eyakutonda, ggwe Yakobo, era eyakubumba, ggwe Isiraeri, nti Torya, kubanga nakununula; nakuyita erinnya lyo, oli wange.

Yeremiya 1:5 Bwe nnali nga sinnakubumba mu lubuto nakumanya, era nga tonnava mu lubuto nakutukuza; nkutaddewo okuba nnabbi eri amawanga.

Yokaana 15:16 Si mmwe mwannonda nze, naye nze nnabalonda mmwe, ne mbateekawo, mugende mubalenga ebibala, n'ebibala byammwe bibeerengawo: kyonna kye munaasabanga Kitange mu linnya lyange, akibawenga.

3 Yokaana 1:2 Omwagalwa, nsaba obeerenga bulungi mu bigambo byonna era obeerenga n'obulamu, ng'omwoyo gwo bwe gubeera obulungi.

Isaaya 43:4 Kubanga wali wa muwendo mungi mu maaso gange, era wa kitiibwa, nange nakwagala; kyendiva mpaayo abasajja ku lulwo n'amawanga ku lw'obulamu bwo.

Yeremiya 31:3 Mukama yandabikira dda ng'ayogera nti Weewaawo, nkwegadde n'okwagala okutali; gwaawo: kyenvudde nkuwalula n'ekisa.

Koseya 11:8 Naakuwaayo ntya, Efulayimu? naakugabula ntya, Isiraeri? naakufuula ntya nga Aduma? naakussaawo ntya nga Zeboyimu? omutima gwange gukyuse munda yange, okusaasira kwange kwakidde wamu.

Yokaana 3:16 Kubanga Katonda bwe yayagala, ensi bw'ati, n'okuwaayo n'awaayo Omwana we eyazaalibwa omu yekka buli muntu yenna amukkiriza aleme.okubula, naye abeere n'obulamu obutaggwaawo.

Isaaya 49:15,16 Omukazi ayinza okwerabira omwana we ayonka, obutasaasira mwana wa nda ye? weewaawo, abo bayinza okwerabira, naye siikwerabirenga ggwe. **16** Laba, nkuyoze ku bibatu by'emikono gyange; ebisenge byo biri mu maaso gange bulijjo.

Isaaya 41:13 Kubanga nze Mukama Katonda wo naakwatanga ku mukono gwo ogwa ddyo nga nkugamba nti Totya; nze naakuyambanga.

Matayo 28:20 nga mubayigiriza okukwata byonna bye nnabalagira mmwe: era, laba, nze ndi wamu nammwe ennaku zonna, okutuusa emirembe ginolwe giriggwaawo.

Yokaana 14:1 Omutima gwammwe tegweraliikiriranga: mukkirize Katonda,

era nange munzikirize.

Isaaya 41:14 Totya, ggwe olusirinanyi Yakobo, nammwe abasajja ba Isiraeri; nze naakuyambanga, bw'ayogera Mukama, era Omutukuvu wa Isiraeri ye mununuzi wo.

Isaaya 43:2 Bw'onooyitanga mu mazzi, naabeeranga naawe; ne mu migga, tegirikusaanyaawo: bw'onootambulanga okuyita mu muliro, toosiriirenga; so n'omuliro tegulyakira ku ggwe.

Zabbuli 23:1-6 Mukama ye musumba wange; seetaagenga: 2 Angalamiza mu ddundiro ery'omuddo omuto: Antwala ku mabbali ag'smazzi amateefu. 3 Akomyawo emmeeme yange: Annunanyama mu makubo ag'obutuukirivu ku lw'erinnya lye. 4 Era newakubadde nga ntambulira mu kiwonvu eky'ekisukirize eky'olumbe, Suritya kabi konna; kubanga ggwe oli nange: Oluga lwo n'omuggo gwo bye binsanyusa. 5 Onteekerateekera emmeeza mu maaso g'abalabe bange: Onsiize amafuta ku mutwe; ekikompe kyange kiyiwa. 6 Obulungi n'ekisa tebiiremenga kugenda nange ennaku zonna ez'obulamu bwange: Nange naatuulanga mu nnyumba ya Mukama okutuusa ku nnaku nnyingi.

Yokaana 14:27 Emirembe mbalekera; emirembe gyange ngibawa: si ng'ensi bw'ewa, nze bwe mbawa. Omutima gwammwe tegweraliikiriranga so tegutyanga.

Abafiripi 4:7 N'emirembe gya Katonda, egisinga okutegeerwa kwonna, ginaabakuumanga emitima gyammwe n'ebirowoozo byammwe mu Kristo Yesu.

Engero 3:24 Bw'onoogalamiranga tootyenga: Weewaawo, onoogalamiranga n'otulo two tunaakuwoomeranga.

Zabbuli 4:8 Mu butatya naagalimiranga ne nneebaka: Kubanga ggwe wekka, Mukama, ontuusa mu mirembe.

Zabbuli 33:18 Laba, eriiso lya Mukama liri ku abo abamutya, Ku abo abasuubira mu kusaasira kwe;

Abaruumi 5:2 era eyatuweesa olw'okukkiriza okutuuka mu kisa kino kye tuyimiriddemu; era twenyumirizenga olw'okusuubira ekitiibwa kya Katonda.

Isaaya 55:12 Kubanga mulifuluma n'essanyu, nulitwalibwa n'emirembe okuvaayo: nsozi n'obusozi ziribaguka okuyinba mu maaso gammwe, n'emiti yonna egy'oku ttale girikuba mu agalo.

Yokaana 16:22 Kale nammwe kaakano munakuwala: naye ndibalaba nate, n'emitima gyammw'e girisanyuka, n'essanyu lyammwe tewali muntu alibaggyako.

Lukka 12:9 naye anneegaanira mu maaso g'abantu alyegaanirwa mu maaso ga bamalayika ba Katonda.

Matayo 10:30 era n'enviiri zammwe ez'oku mutwe zaabalibwa zonna.

Isaaya 54:10 Kubanga ensozi ziri vaawo n'obusozi buliggibwawo; na ye ekisa kyange tekirikuyaako si n'endagaano yange ey'emirembe teriggibayowawo, bw'ayogera Mukama akusaasira.

Matayo 11:28-30 Mujje gye ndi, mmwe mwenna abakooye era abazitoowereddwa nange nnaabawummuza. 29 Mwetikke ekikoligo nange, muyigire ku nze; kubanga ndi muteefu era omuwombeefu mu mutima: nammwe muliraba ekiwummulo eky'omu myoyo gyammwe. 30 Kubanga ekikoligo kyange si kizibu, n'omugugu gwange mwangu.

Oluyimba 2:10 Muganzi wange yayogera n'anjamba Nti Golokoka, gwe njagala, omu. lungi gye ndi, tugende tuveewo.

Koseya 2:14,19,20 Kale, laba, ndimusendasenda, ne mmuleeta mu ddungu, ne mmugamba ebigambo ebisanyusa. 19 Era ndikwogerereza ennaku zonna; weewaawo, ndikwogereza mu butuukirivu ne mu musango ne mu kisa ne mu kusaasira. 20 Ndikwogereza mu bwesigwa: era olimanya Mukama.

Okuva 3:14 Katonda n'agamba Musa nti **NINGA BWE NDI**: n'ayogera nti Bw'otyo bw'olibagamba abaana ba Isiraeri nti **NDI** ye antumye eri mmwe.

Koseya 13:4 Era naye nze ndi Mukama Katonda wo okuva mu nsi y'e Misiri; so naawe tolimanya Katonda mulala wabula nze, so tewali mulokozi wazira nze.

Yokaana 15:14 Mmwe muli mikwano gyange, bwe mukola bye mbalagira.

Okubikkulirwa 3:20 Laba, nnyimiridde ku luggi, nneeyanjula: omuntu yenna bw'awulira eddoozi lyange, n'aggulawo oluggi, nnaayingira gy'ali, era nnaaliira wamu naye, naye nange.

Pastor T. John Franklin
Church of Salvation, Healing, and Deliverance
COS-HAD.org